



Inatsisartuni ilaasortaq

Aqqaluaq B. Egede, Inuit Ataqatigiit

Suliat inuussutissarsiutillu pillugit § 37 naapertorlugu apeqquummut nr. 2016-238-mut akissuteqaat.

27-09-2016
Sags nr.2016-14614
Akt nr.

Inatsisartut suleriaasianni § 37 naapertorlugu uannut Naalakkersuisunilu ilaasortanut tunngatillugu suliat inuussutissarsiutillu pillugit apeqquut matuma kingulianiittoq saqqummiuppat. Apeqquut uannut akisassanngorlugu innersuunneqarpoq.

Postboks 1015
3900 Nuuk
Tlf. (+299) 34 50 00
E-mail: govsec@nanoq.gl
www.naalakkersuisut.gl

Apeqqutit:

1. Naalakkersuisut Siulittaasuat suli aalisarnermut akuersissummik peqarpa?
2. Aalisarnermut akuersissut tunngavigalugu Naalakkersuisut Siulittaasuat aalisarnermiit aningaasanik isertitaqartarpa?
3. Naalakkersuisut Siulittaasuat Naalakkersuisutut sulinermi saniatigut aalisarnermiit aningaasarsiaqarnerseq paasissallugu tunngavissaqarpugut, Naalakkersuisut Siulittaasuat saniatigooralugu Naalakkersuisunut Siulittaasuunersseq apeqquummi pineqarmat. Taamaattoqarpa?
4. Naalakkersuisut Siulittaasuat saniatigooralugu isertitaqartarsimappat piffissaq qanoq annertutigisoq Naalakkersuisutut sulinnginnerminut atortarsimassavaa?
5. Naalakkersuisut Siulittaasuattut sulineq qaqugukkut sulinngiffeqarnertut taaneqarsinnaasumik Naalakkersuisumut pisinnaatitaaffeqarsimappat tunngavigineqartut maleruagassat saqqummiunneqarsinnaappat?

Naalakkersuisunut siulittaasuuninni inuussutissarsiutigalugu piniarnermut allagartara piginnarsinnaanerlugu qinnuteqarama, Inatsisartut Qinigaasinnaassuseq pillugu Ataatsimiititaliaata 24. april 2015-imi nalunaarfigaanga, Naalakkersuisunut siulittaasuuninni inuussutissarsiutigalugu piniarnermut allagartara piginnarsinnaagiga ataatsimiititaliamit akuerineqartoq.

Akuersissuteqarnermi inuussutissarsiummik taassuminnga piffissami killilikkami taamaallaat isumaginnissinnaanissara piumasarineqarpoq, taamaalilluni sukkuluunniit Naalakkersuisut siulittaasuattut sulininnik isumaginnissamut periarfissakka killilerneqartussaananik.

Tamatuma saniatigut Inatsisartut aamma Naalakkersuisut pillugit Inatsisartut inatsisaanni § 25-mi aalajangersakkat innersuussutigaaakka, tassanilu ilaatigut Qinigaasinnaassuseq pillugu Ataatsimiititaliap Naalakkersuisunut siulittaasutut aamma Naalakkersuisunut ilaasortatut sulinerup inuussutissarsiornerullu isumagineqarnissaannut apeqqutinut piginnaatitaaffii nassuiaatigineqarput. Uanga aammalu Naalakkersuisunut ilaasortat aalajangersakkanik taakkuninnga malinninnissarput pingaartittorujussuarput.

Naalakkersuisut siulittaasuattut sulinera Qinigaasinnaassuseq pillugu Ataatsimiititaliap akuersissuteqarnerani piunasaqaatit, kiisalu aamma Naalakkersuisut siulittaasuattut sulininnut inatsisini aalajangersakkat malilluinnarlugit ingerlappara.

Apeqqutinut akissuteqaatinnut allanik ilassutissaqanngilanga.

Sulinera inuussutissarsiorneralu pillugit Qinigaasinnaassuseq pillugu Ataatsimiititaliaannut apeqqutissaqartoqarpat, akissuteqarnissamut piareersimajuannarpunga.

- 6. Naalakkersuisunut ilaasortat allat aalisarnermut akuersissutaateqarpat?**
- 7. Naalakkersuisunut ilaasortat aalisariutinik allanilluunniit pigisanik nalilinnik piginneqataallutillu ingerlatseqataappat?**

Naalakkersuisunut ilaasortat qinnuigaakka, aningaasaqarnikkut soqutigisatik suliatillu pillugit Inatsisartunut paasissutissiissutimik eqqortuunerat attuumassuteqarnerallu qulakkeeqqullugu. Paasissutissat taakku aamma uanga aningaasaqarnikkut soqutigisakka sulineralu pillugu paasissutissat Inatsisartut Allattoqarfianit pissarsiarineqarsinnaassapput, imaluunniit Inatsisartut nittartagaat alakkarneqarsinnaavoq, uunga:

<http://www.inatsisartut.gl/inatsisartuthome/sammensaetning-af-inatsisartut.aspx>.

Apeqqutinut akissuteqaatinnut allanik ilassutissaqanngilanga.

Naalakkersuisunut ilaasortat sulineri inuussutissarsiornerilu pillugit Qinigaasinnaassuseq pillugu Ataatsimiititaliaannut apeqqutissaqartoqarpat, akissuteqarnissamut piareersimajuannarpunga.

**8. Naalakkersuisut Siulittaasuata Naalakkersuisut Siulittaasuattut
pisussaaffik qanoq atuuffiusussaanersoq naatsumik erseqqissumillu
nassuiarsinnaavaa?**

Naalakkersuisunut Siulittaasutut suliat nalinginnaasumik inatsisit, aammalu aalajangersakkat, ilaatigut Inatsisartut Naalakkersuisullu pillugit Inatsisartut inatsisaanni, Naalakkersuisunut ilaasortat akisussaassuseqarnerat pillugu Inatsisartut inatsisaanni kiisalu Inatsisartut suleriaasianni allassimasut ataqqillugit isumagineqartussaapput.

Tamatuma saniatigut sukkulluunniit Naalakkersuisut Siulittaasuattut issiasup, sulinini qanoq aaqqissuukkusunnerlugu aalajangigassaraa.

Apeqqutinut akissuteqaatinnut allanik ilassutissaqanngilanga.

Inussiarnersumik inuulluaqqusillunga



Kim Kielsen